



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Collegiis Canonicorvm Per Germaniam, Belgivm,
Galliam, Hispaniam, Italiam, Aliasqve Orbis Christiani
Prouincias, Liber Singvlaris**

Le Mire, Aubert

Coloniae Agrippinae, 1615

Sancti Petri Collegivm Louaniense in Brabantia.

urn:nbn:de:hbz:466:1-11227

SANCTI PETRI COLLEGIVM
Louaniense in Brabantia.

Templum Diui Petri in vrbe media Louaniensi condidit *Lambertus primus* Comes Louaniensis. Idem & Canonicos instituit: etsi alij ad filium eius *Lambertum Baldericum* referunt, qui etiam Bruxellæ in B. Gudilæ collocauit. Certè iste decimas agri Louaniensis ijs legitur adsignasse. Initio septē fuerunt, ijque fratres primò appellati; mox Domini, ad discrimē minorū, qui accesserūt. Nā vt erat maiorū pietas, quidam ē priuatis opes suas huc contulerunt, & augendo collegio Canonicatus instituerunt. inter quos vnū *Simon Grindelius*, è Patricijs anno CLXIV. & post 24. annos alium, *Godefridus* Prætor Vrbis. Alios deinde (nam ad octodecim peruererunt) aut duces ipsi nostri, aut item ciues. Godefridus quidem primus Dux legitur duos instituisse, anno CXL. Sed discriminamen erat, vt tetigi: quod illi primi septem opibus præminebant, & decimas soli possidebant; donec anno CCC. XI. sponte illorum, minores in diuisionem admissi, & sic exquales omnes facti. Spontè, inquam: & o miram raramque benignitatem! nam iure laudanda est: & hoc æuum, vereor, exempla non donet. Sed hi Canonici: quibus Præpositus etiam, præter decanum, velut caput præst;

est, magna dignitas, & olim non nisi in Principum aut procerum filios collata. Notantur recte ex ducum nostrorum liberis, item e Lucemburgensium, alijsque adhæret dignitati honos, quod is à nouo Principe, quoties auspicia imperij suscipit, iuramentum solenniter exigat, capiatque: in quo & Aduocatos se Canonorum Diui Petri fore profitentur. Equū deinde Principis, cui insidit, donatiū habet: quem tamen olim Cantor vindicabat, & lis inter eos fuit. Est nunc in hac dignitate, vir ea & alia dignissimus, Diuus Georgius Austrius: qui ipso nomine inclytum genus prodit, & virtutes pro genere habet. Amorem certe & cultum studiorum que laudatissimi illius maximiliani Primi nepotem decent.

SANCTI IACOBI COLLEGIVM
Louaniense.

SANCTI Iacobi templum habet collegiū Canonicorum, sed ex translatione. Primus enim Dicuriæ in Gallo-Brabantia fuit: agente autem apud Aricolaum Quintiū Pontificem Duce nostro *Philippo Bono*, anno CCCCLVI. huc est translatum. Mouit eū, opinor, solitudo aut inopia opidi, sic etiam attollendi: mouit & Academiæ adspectus, quam Canonicī decorè colerent, & ipsi ab ea excolerentur.

Ita Lipsius in descriptione Louanij.